



Халқ сўзи

Ўзбекистон —
келажаги
буюк
давлат

2023 йил — ИНСОНГА ЭЪТИБОР ВА СИФАТЛИ ТАЪЛИМ ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2023 йил 25 апрель, № 80 (8423)

Сешанба

Сайтимизга ўтиш учун QR-кодни телефонингиз орқали сканер қилинг.



ҲАМКОРЛИКНИ КЕНГАЙТИРИШ УЧУН КАТТА ИМКОНИЯТЛАР МАВЖУДЛИГИ ҚАЙД ЭТИЛДИ



Россия Федерацияси билан кенг кўламли ҳудудларо ҳамкорликни ривожлантириш доирасида Ўзбекистон Республикаси Президенти Шавкат Мирзиёев 24 апрель куни Татаристон Республикаси раиси Рустам Миннихановни қабул қилди.

Учрашувда устувор инвестиция лойиҳаларини амалга ошириш ва маданий-гуманитар алмашувларни янада кенгайтириш масалалари кўриб чиқилди. Кейинги йилларда самарали ҳамкорликда юқори натижаларга эришилгани мамнуният билан қайд этилди. Ўзаро савдо ва инвестициялар ҳажми ортмоқда. Тошкент вилоятида “Чирчик” кимё-индустриал технопарки муваффақиятли фаолият юритмоқда, Россия делегациясининг мазкур ташири довомида янги лойиҳага — Жиззах вилоятида технопарк барпо этишга старт берилди.

Бундан ташқари, нефть-кимё ва машинасозлик тармоқларида йирик кооперация лойиҳалари амалга оширилмоқда. Қозон федерал университетининг Жиззах шаҳридаги филиали фаолияти кенгайтирилмоқда. Учрашув чоғида иқтисодийнинг турли тармоқларида ишбилармонлар ўртасидаги шерикликка оид истиқболли лойиҳалар, мамлакатимизнинг бошқа ҳудудларида ҳам янги индустриал паркларни очиш ва мавжудларини ривожлантириш, инновациялар, кичик бизнес ва ахборот технологиялари соҳаларида ҳамда коммунал тармоқларни модернизация қилиш бўйича ҳамкор-

лик дастурларини қабул қилиш масалалари муҳокама қилинди. Шу кунларда Тошкент шаҳрида ўтаётган “ИННОПРОМ. Марказий Осиё” халқаро санат кўргазмаси ишида Россия ишбилармон доиралари делегацияси таркибиде Татаристоннинг компания ва корхоналари фаол иштирок этаётгани таъкидланди. Учрашув якунида давлатимиз раҳбари “Йўл харитаси” асосида қўшма дастур ва лойиҳаларни илгари суриш юзасидан тизимли ишларни ташкил этиш муҳимлигини қайд этди.

Ў.А.

Ўзбекистон Республикаси Президенти Матбуот хизмати сурати.

ЎЗБЕКИСТОНДАН ТАРАЛАЁТГАН ЗИЁ

МИЛЛИОНЛАБ ИНСОНЛАР ҚАЛБИНИ НУРАФШОН ЭТМОҚДА

Ийд ал-фитр — жамиятимизда инсонпарварлик, ўзаро ҳурмат, меҳр-оқибат, саховат ва шукроналик туйғулларини кучайтириш, ёшларимизда юксак фазилатларни камол топтиришда муҳим ўрин тутадиган шукухли айёмдир.

Муносабат

Рамазон ҳайити кунларида юрти-мизда амалга оширилган савобли ишларни, одамлардаги кўтаринки

руҳни кузатиб, бир яқдил хулосага келиш мумкин: Ўзбекистон, ҳақиқатан ҳам, инсон қадрни юксалаётган

жаннатмонанд юрт. Шукрлар бўлсинки, Ўзбекистон халқининг тақдирига буюк давлатчилик тафаккурига эга йўлбошчи насиб этди. Кейинги йиллар домида Ўзбекистон халқи ва давлати ҳаётида ижобий йўналишдаги мисли кўрилмаган ишлар рўй бергани инкор этиб бўлмайдиган ҳақиқатдир. Бугун дунё Ўзбекистоннинг сиёсий жараёнлардаги фаол

лигига, халқ ва давлат бирлигининг мустаҳкамланишига, мамлакат эришаётган салмоқли иқтисодий ютуқларга гувоҳ бўлмоқда. Президент Шавкат Мирзиёев раҳбарлигидаги ислохотлар натижаси ўлароқ, мамлакат юксак чўққиларга кўтарилган ҳолда Марказий Осиёдаги етакчилик ўрнини мустаҳкамламоқда. Шу ўринда Ўзбекистонимизда

сиёсий-иқтисодий муваффақиятлар билан бир қаторда ижтимоий соҳада, хусусан, диний-маънавий кадрларни асраб-авайлаш бўйича Аллоҳга хуш келадиغان ишлар ва глобал аҳамиятдаги лойиҳалар амалга оширилганини алоҳида таъкидлаш жоиз.



Эътироф

Султон РАЕВ,
ТУРКСОЙ Бош котиби:

ТОШКЕНТ — ДЎСТЛИК, ҚАЙНОҚ МЕҲР РАМЗИДИР

— Халқаро туркий маданият ташкилоти (ТУРКСОЙ) халқаро ташкилотига аъзо мамлакатларнинг таниқли рассомлари, тасвирий ва амалий санъат усталари Ўзбекистон пойтахтида ўтказилган Халқаро тасвирий ва амалий санъат фестивалида илк бор қатнашди. Бу бизнинг дастлабки қадамларимиз ҳисобланади. Чунки Тошкент қадимдан туркий халқлар маданият маркази бўлиб келган ва шундай бўлиб қолади.

Тошкент — қуёшли шаҳар, дўстлик, қайноқ меҳр рамзидир. Шунинг учун бу фестивалнинг айнан шу ерда ўтказилгани биз учун жуда муҳим. Анжуманда туркий давлатлар, шунингдек, Венгриядан энг таниқли ва машҳур 25 нафар рассомнинг 100 дан ортиқ асарлари намойишга қўйилди. Мухлислар уларнинг ижодига катта қизиқиш билан қарайди. Ўйлайманки, бу жуда катта резонанс беради.

Биз ҳозир туркий дунё ижодкорларининг ўзаро ҳамкорликда ишлаш, ўзаро тажриба алмашишлариغا имконият яратиш мақсадида Турк бадий академиясини ташкил этиш бўйича иш олиб бораёмиз. Бу, албатта, уста ва рассомларимизга катта мотивация беради. Бу йил насиб бўлса Туркмастоннинг Ашхобод шаҳрида бадий тасвир ва амалий санъат намоёндаларининг биринчи биенналесини ўтказишни ният қилиб турибмиз.

2024 йил Туркмастонда буюк туркман шоири Махтумқули йили деб, қадимий Анау шаҳри “Турк дунёси маданият пойтахти” деб эълон қилинган, биз бунга ҳам алоҳида тайёргарлик кўряёмиз. Мақсадимиз — туркий дунё рассомлари маданияти интеграциясини амалга ошириш, улар асарларини бошқа мамлакатларда ҳам намойиш ва тарғиб қилиш, бирдамлик ва ҳамкорликни ривожлантиришдан иборат.

Бу йил Халқаро туркий маданият ташкилотига асос солинганнинг 30 йиллиги нишонланади. Шу муносабат билан биз ана шу сана доирасида ЮНЕСКОнинг Париждаги қароргоҳида туркий дунё маданияти кунларини ўтказамиз. Мен яқинда АҚШда, БМТнинг штаб-квартирасида бўлиб қайтим, насиб этса, бу ерда ҳам шундай тadbир ўтказиш режалаштирилган.

Шу ўринда мазкур фестивалга Ўзбекистон Бадий академияси томонидан катта тайёргарлик кўрилганини эътироф этмоқ жоиз. Маданият ва санъат усталарининг қишлари, ёш ижодкорлар тайёрлаган асарлар кўргазмаси, шу ернинг ўзида устозлар томонидан ўтказилган маҳорат дарслари — барчаси ҳаяжон ва таассуротларга бой бўлди.

«Халқ сўзи».



БОШ ҚОМУСИМИЗДА МИЛЛИЙ ИҚТИСОДИЁТИМИЗНИ РИВОЖЛАНТИРИШГА АЛОҲИДА ЭЪТИБОР ҚАРАТИЛМОҚДА

Олий Мажлис Сенати Раиси Танзила Норбоева бошчилигидаги сенаторлар Наманган шаҳри, Наманган, янги Наманган, Давлатобод ва Уйчи туманларидаги маҳаллалар, олий таълим муассасалари, касб-хунарга ўқитиш марказлари, тиббиёт муассасалари, ишлаб чиқариш корхоналари ҳамда аҳоли хонадонларида бўлиб, учрашувлар ўтказди.

Мулоқотларда асосий эътибор мамлакатимизда амалга оширилаётган ислохотлар ва янги тахрирдаги Конституция лойиҳасининг мазмун-моҳиятига, тadbиркорлар, хотин-қизлар, ёшлар фаоллигини ошириш, ишсизликни қисқартириш борасида қилинаётган саъй-ҳаракатлар, ижтимоий ҳимояга муҳтож оилалар ҳолидан хабар олиш ва маҳаллий Кенгаш депутатлари фаолияти билан яқиндан танишишга қаратилди. Хусусан, Сенат Раиси вилоятда ишсизликни қисқартириш борасида олиб борилаётган ишлар билан яқиндан танишиш мақсадида мономарказ ҳамда Олаҳамак касб-хунарга ўқитиш марказида бўлиб, у ердаги шарт-шароитларни кўздан кечирди ва касб-хунарга ўқитилаётган аҳоли вакиллари билан суҳбатлашди.

Мулоқотлар домида ушбу марказларда ҳамюртларимиз 30 га яқин анъанавий ва замонавий касбларга ўқитилиб, иш жойи билан таъминланаётгани, эътиборлиси, юртимизда гендер тенглик, аёл ва эр-

кақларга яратилган тенг имкониятлар самараси ўлароқ, хотин-қизлар турли касб-хуналарни кунт билан ўзлаштираётгани айтиб ўтилди.

Сенат Раисининг Наманган вилоятига ташири доирасида тиббиёт муассасаларида халқимизга яратилган шарт-шароитлар, соғлиқни сақлаш соҳасида эришилаётган ютуқларга ҳам урғу қаратилди. Хусусан, Республика шоялининг тиббий ёрдам илмий маркази Наманган филиалида соҳа мутахассислари билан суҳбатлар ўтказилиб, бугун уларга бўлаётган эътибор, сифатли таълим билан қамраб олиш борасидаги долзарб масалалар атрофида муҳокама қилинди.

Вилоят, туман ва шаҳар Кенгашлари депутатлари ҳамда Наманган давлат университети талабалари, профессор-ўқитувчилар билан ўтказилган мулоқотларда эса янги тахрирдаги Конституциядаги нормалар мазмун-моҳияти, уни ишлаб чиқиш жараёнлари юзасида фикр алмашилди.



ЁШЛАР ТАЪЛИМ-ТАРБИЯСИ УЧУН ШАРОИТЛАР, ФУҚАРОЛАР СОҒЛИҒИНИ САҚЛАШГА ОИД КАФОЛАТЛАР

Олий Мажлис Қонунчилик палатаси Спикери Н. Исмоилов ва бир гуруҳ депутатлар Наманган вилоятида таълим, тиббиёт ходимлари, нурунийлар ҳамда маҳалла фаоллари билан учрашиб, янгиланаётган Конституциядан ўрин олган қондалар, уларнинг мазмун-моҳияти, аҳамияти ҳақида кенг маълумот берди. Шунингдек, демократиянинг энг муҳим шартларидан бири ҳисобланган, давлат ва жамият аҳамиятига молик масалаларни ҳал қилишда халқнинг бевосита иштирокисини ифодалайдиган

референдумнинг аҳамияти ҳақида фикрлар юритилди.

Мулоқотларда фуқаролар Бош қомусимизнинг янги тахририда аҳолининг фикри, хоҳиш-иродаси акс этгани, юртимизда амалга оширилаётган ислохотлар руҳи ифодаланганини эътироф этиб, янгиланаётган Конституция инсон қадрини улуғлайдиган, мамлакат ривожига хизмат қиладиغان муҳим ҳужжат бўлишини таъкидладилар.



ЯНГИЛАНАЁТГАН КОНСТИТУЦИЯ ВА ИЖТИМОЙ ШЕРИКЛИК

Ўзбекистон халқининг онги мустақиллик йилларида тубдан ўзгарди. Марксистика мафқуранинг синфий кураш, пролетар диктатура ва социалистик давлат тушунчалари ўрнига ижтимоий шериклик, демократик, ҳуқуқий, ижтимоий ва дунёвий давлат тушунчалари кириб келди.

Янги тахрирдаги Конституция мазкур тушунчаларни мустаҳкамлаб қўйиш орқали нафақат жамият онгидаги ўзгаришларни, шунингдек, турмуш тарзимиздаги, инсон ҳамда давлат ўртасидаги иқтисодий, ҳуқуқий, сиёсий, маданий муноса-

батларда қарор топаётган янги воқеликни ҳам акс эттирмоқда.

Ўзбекистон давлати ўз зиммасига фуқарога нисбатан ҳам, бутун жамиятга нисбатан ҳам улкан мажбуриятларни олмоқда. Янгиланаётган Конституция-

нинг 13-моддасида инсон, унинг ҳаёти, эркинлиги, шаъни, кадр-қиммати ва бошқа ажралмас ҳуқуқлари олий қадрият ҳисобланиши, 14-моддасида эса давлат ўз фаолиятини инсон фаровонлиги ҳамда жамиятининг барқарор ривожланишини таъминлаш мақсадида ижтимоий адолат ва бирдамлик принциплари асосида амалга ошириши белгилаб қўйилган.



